



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### მეტრეველი თამაზ სოლომონის ძე

მეტრეველი თამაზ სოლომონის ძე (20. VI. 1947, თელავი, - 13. X. 2014, თბილისი), მწერალი, დრამატურგი. დაამთავრა თსუ-ის ფილოლ. ფაკ-ტი. წლების განმავლობაში მუშაობდა ჟურნალისტად პრესასა და რადიო-ტელევიზიაში. პირველი ლექსი დაბეჭდა 1965 გაზ. „თბილისში“.

მრავალმხრივი და მრავალფეროვანია მ-ის შემოქმედება. იგი თამამად ეხმაურება პირად თუ საზ. ცხოვრების საკითხებს. გამოცემული აქვს ლექსების კრებულები: „სასწაული“ (2012) და „სულის სანთლები“ (2014). მის კალამს ეკუთვნის რომანები: „ველური წაბლის ხეივანი“ (5-წიგნიანი თბილისური საგა; დაიბეჭდა „ზაზა ვაჩნაძის“ ფსევდონიმით) და „მტკვარწაღებულნი“. ავტორია არაერთი ორიგინალური და გადმოქართულებული პიესისა.

პიესისთვის „ემშაკის ბორბალი“ გადაეცა „ლიტერატურული სახელების“ პრემია (2014).

*თხზ.*: ბუ და პატარა ობობა, თბ., 1988; შეშლილი, შეშლილი... ახალი წელი! თბ., 2007; სულის პერანგი, თბ., 2013.

**ი. აბაშიძე**

---